



UKA 2019/146

2/10-2019

Anna Wangenheim

Uunga siunnersuut: Utoqqaat illersuisuat pillugu Inatsisartut inatsisaat nr. xx, xx. xxx 2019-imeersoq.

(Peqqissutsimut, Isumaginninnermut Inatsisinillu Atuutsitsinermut Naalakkersuisoq)
(siullermeerneqarnera)

Demokraatin utoqqaat ukkatarilerneqarnerat nuannaarutigeqaarput. Sapaatip akunnerata kingullermi ataatsimiittarfimmi oqallittarnerit takutippaat ataatsimoorluta utoqqaat utoqqalinermi atugassaanut pitsannguutaasussanik suliniutaasinnaasunik isumaqatigiiffeqarsinnaasugut. Taamaammat utoqqaat illersuisussaanik kissaateqarneq anguniagaq kusanartuuvoq tupallannartuungilarli.

Oqallisigisariaqarpapulli qanoq iliorluta inuit ataasiakkaat pingartinneqarlutik pingaaruteqartuunermillu misigisimanerat ilumut inatsisitigut qulakeertariaqarneripput. Politikerit aaliagissuaat? Imaanngila uagut sinaakkutissanik aaqqissuussissussasugut, taamaalillutik inuit ataasiakkaat nammineq nuannaartorisaminik aallussinissaanut periarfissaqartilerlugit?

Uagut kalaliusugut ileqqoriuarsimavarput ilaqqutagut inuunitsinni akutinissaat. Nalliuторnerni, kuisitsoornerni persuarsiorfiusunilu allani kaffisortitsinerit tamatumuuna takussutaapput.

Isumaqpugummi inuit akornanni ataqtiginneq nersugaanermik misigitsisuusartut. Takuneqarluni tusaaneqarlunilu misigisimaneq pisortaqarfimmiik asuli inuaqatigiit aningasaataanik allarpassuarnut atorsinnaasaraluatsinnik atuisunik pingarneruvoq. Allatut oqaatigalugu aningasaativut qanoq atussanerlugit, inuaqatigiittullu sumut ingerlarusunnerluta eqqumaffiginerusariaqarpaput.

Peqatigiiffit qasusuillutik ataatsimoortitsisunik suliallit suliamnik ingerlatitseqqippata Naammanngila? Ulluinnarni utoqqaat pisariaqartitaannik sulisunut kissalaartunut aningasat atorutsigit iluarnerunngila? Apeqqut illuatungaananut aamma saassinnavaarput immitsinnullu aperaluta, sooq inuit ilaat isumaqalersimanersut Utoqqaat illersuisuanik pisariaqartitsisoqartoq? Inuaqatigiinnik pisortanit akiliunneqartunik karsinullusoq poortorlugit inatsisinillu isumallutilinnik pinngortitsinalernerpugut? Imaanngila suna tamaat pisortanit aqunneqartuusussaasut sungiussimagipput?

Aningasaqarnermut siunnersuisoqatigiit nalunaarput 2040-mi utoqqaat ullumerniik 3400-inik amerlanerussasut, tamannalu isumaqarpoq inuaqatigiit agguataarneri nikeriartoqarneratigut peqqinnissaqarfimmun aningasartutissat amerlanerulissallutik. Utoqqaliartortilluta aningasat atugarissaarnermut tapisiaasartut annertusiartortarneri ilutigalugu Demokraatiniiit siunnersuutigerusupparput ullumi aningasat taakkua paaqqutaritinnermut pingarnermut, pinaveersaartitsinermullu atorneqassasut, tassami taamaaliornikkut innuttat amerlanerit iluaqutigisinnaanngussammagit. Aningasat taakkua utoqqaat illersuisussaannut atornagit.

Siunnersuummi maluginiarparput allaqqasooq ukiut tamaasa missingersuutit isumaqatigiinniutigineqartassasut saniatigullu aamma naatsorsuuserisumik atorfinititsisoqassalluni. Immitsinnut aperisariaqarpugut; allaffisornermut aningasartutigut suli alliartortinniarpagut?



Demokraatit naameerput.

Allaffissorneq millisarusupparput, aningaasanullu inatsisisstatut siunnersummut annertuumik kissaateqarsimavugut allaffisornermut aningaasartuutaasartut 100 mio. koruunik millineqassasut. Isumaqpugut utoqqaat atugarisatigut pitsaanerusumik inissimanerusinnaasut aningaasanik amerlanerusunik toqqaannartumik tunineqarnikkut, soorlu ulluinnarni paaqqutarineqarnermi kommuninilu inunnik isumaginninnermi, taamaalillunilu utoqqaat inuulluataarsinnaanerunissaat qulakkeerneqarsinnaalluni.

2020-imut aningaasanut inatsisisstatut siunnersummi allaqqavoq 800.000 koruunit utoqqaat illersuisussaanut atorneqassasut. Uagut atorfilittannut utoqqarnik sullisisussanik aningaasat atorusunneruagut. Ulluinnarni ikiorneqarnissaq pingaernerusutut isigaarput, soorlu uffarnissamut, nerinissamut assigisaanullu utoqqalinermi inuuniarnermut oqilisaataasinjaasunut. Isumaginnittoqarfimmi pingaernermi ineriartornermut iliusissanik nassaarniartariaqpugut nunatta napparsimaviini uninngasarnerit millisarniarlugit, taamaalillatalu utoqqalierternermi inuuniarneq pitsangorsassallutigu.

Paasisariaqarparput 2018-imi ilisimatusarnikkut utoqqaat inuuniarnerup tunngaviinik, inuunerme nalillit, Kalaallillu nunaanni peqqissutsikkut siuarsafermik sammisaqartumik suliamik aallartitsisoqarsimammatt Arctisk Aldring (AgeArc) aqqutigalugu. AgeArc nunatsinni utoqqaat pillugit ilisimasanik katersuiniarput, VELUX FONDEN-imiillu 5,6 mio. koruunik tapiiffigineqarsimallutik. Ilisimatusarfiup København-illu Universitetiata suleqatigiinneratigut ilisimatusarneq ingerlanneqarpoq, kommuunit ikiorniarlugit iliuutsit sorliit piviusungortinneqassanersut utoqqalinermi inuulluataarnissaq anguniarlugu. Demokraatinit ilisimatusarluni suliniut nersusareqaarput, inernerilu tusarnissaat qilanaarivarput.

Tusaatissatut tiguarput tusarniaanermi akissutini allaqqasoqarmat utoqqaat pisinnaatitaaffii utoqqarnullu atugassarititaasut immikkoortinnejqassammata. Institut for Menneskerettigheder naapertorlugu utoqqarnut inuit tunngaviusumik pisinnaatitaaffiitigut FN-imi isumaqtigisummik peqanngilaq, FN-imi aamma Europarådet-imi maannakkorpiaq nalunaarutinik suliaqarput, utoqqaat pisinnaatitaaffiinik ukkatarinnilersitsisussanik.

Demokraatini nunatsinni pissutsinik tunngaveqartumik sulinermi atugassatigullu pitsaanerusumik aallartitsisinnaasumik AgeArc-ip misissuinerani ilisimalikkat utaqqeqluarusuppagut.

Tusarniaanermi akissutini maluginiarparput Sulisitsisut (GE) utoqqaat atugarisaanut aningaasartuutinut tunngassuteqartunik saqqummiussimmata, matumuuna utoqaat illersuiisuanut malitseqarnavianngitsunik. Tusaatissatut tiguarput siunnersuut aningaasalersuinerup tungaatigut utoqqartatsinnik pingaartitsinngilluinnarmat. Taamaakkaluartorli akuersaarparput UKA2019-imi utoqqalinersiutit qaffanneqarnissaannut suliniutaasussanut ataatsimiittarfitsinni isumaqtigilluaratta.

Demokraatinit kiffaanngissuseq, nammineq aalajangiisinhaassuseq, akisussaaffillu inuiaqatigiinnut utertikkusupparput. Aningaasartuutit utoqqaat paaqqutarineqarneranut paaqqutarinninnermilu sulisunut tunniukkusuppagut. Taamatut tunngavilersuilluta siunnersuut ataatsimiitaliamut eqqortumut



ingerlateqqikkusupparput, suliamut aningaaasartuutaasussat qulaajarneqarnissaat anguniarlugu, saniatigullu inuiaqatigiittut pingaartitatsinnik oqallinnermi utoqqaat atugaat pillugit pisortat akisussaaffiat qanoq nassuaaserneqassanersut, taamalilluta ersiutaasunut aaqqiinialuta allffissornikkulli qaavatigut pilersitsinaveersaassalluta. Naggataatigullu Demokraatit Utoqqaat illersuisuanik piumasaqaateqartoqarnersoq massakkorpiaq ilisimatusarnerup ingerlanneqartup inernissai aqqutigalugit takutinneqarumaartumik takusaqarnissaq kissaatigaat. Ataatsimiitaliaq sulilluarnissaanik kissaapparput.